



STATEN di ARUBA

Fraccion di Movimiento Electoral di Pueblo

STATEN VAN ARUBA

Ingek. 10 SEP 2014

Volgnr.: IS/08/14-15

Na Presidente di Parlamento
Sra. Lopez-Tromp
Presente

Aruba, 10 september 2014

Topico: pregunta pa gobierno

Respetable Presidente,

Pa medio di e carta aki suscrito den nomber di Fraccion di MEP, a base di articulo III.7 di nos Constitucion y articulo 59 di Reglamento di Ordo di Parlamento di Aruba, ta haci un peticion na bo persona pa entrega e carta aki incluyendo anexo cu pregunta na Minister di encarga cu Utilidad.

Atentamente,
Den nomber di Fraccion di MEP


Lider di Fraccion di MEP
Sra. Evelyn Wever-Croes

PREGUNTA NA MINISTER ENCARGA CU ENERGIA, SR. DE MEZA

Durante un encuentro den Parlamento dia 4 di september 2014, nos fraccion no por a hasi tur e preguntanan relaciona cu e aumento di prijs di coriente cu ta wordo premira pa dia 1 di oktober 2014, y algun otro pregunta, cu nos ta hasi siguiientemente:

1. Cuanto usuario na e momento aki no por paga nan cuenta di awa y cuanto usuario na e momento aki no por paga nan cuenta di coriente? Aki por menciona e total di usuarionan cu tin meter desconecta, y esnan cu tin un areglo di pago riba cuentanan atrasa.
2. Cuanto usuario no tin coneccion di awa y cuanto usuario no tin coneccion di coriente na e momentonan aki pa motibo cu nan coneccion mester a wordo corta door di incumplimento cu pago? Por menciona e total tambe pa 2008, 2009, 2010, 2011, 2012 y 2013?
3. Cuanto meter di coriente Elmar a manda será e anja aki? cuanto meter WEB a manda será e anja aki? Por menciona e total tambe pa 2008, 2009, 2010, 2011, 2012 y 2013?
4. Gobierno a anuncia un aumento di tarifa di coriente entrante 1 di oktober 2014, y tambe e intencion di discuti esaki den Dialogo Social. Si e decision ta tuma caba, kiko ta e sentido di trata e tema aki den un Dialogo Social ainda? Tin oportunidad cu e decision aki por cambia a base di e Dialogo Social?
5. E aumento di coriente entrante 1 di oktober 2014 ta mas halto pa e categoria cu usa te cu 500 KW (15.14%), e ta aumenta un poco menos pa e categoria di uso di 501-1000Kw (3.70%), y ta te hasta baha pa esnan cu ta usa mas di 1000 Kw (4.33%). Ki percentahe di usuarionan ta cai den e categoria di 0-500Kw, 501-1000 Kw, y categoria di mas di 1000 Kw
6. Vast recht di Afl. 10,= : cuanto placa esaki a genera caba pa Elmar desde inicio? Desde ki fecha e vast recht aki ta wordo cobra? Ki base legal e vast recht aki tin? Cuanto placa ta ser spera awor cu e aumento di e 'vast recht' pa 12.50?
7. Minister por duna Parlamento copia di jaarrekeningen di WEB, ELMAR y Utilities NO CONSOLIDA (pues pa cada compañía separa) pa e anja nan 2011, 2012 y 2013. Di Utilities tambe pa e anjanan 2008, 2009, 2010.
8. Minister por informa Parlamento cuanto WEB, Elmar y/of Utilities a inverti den e diferente 'Green Conferences' y 'Europe Meets America' desde inicio di e conferencianan aki.
9. WEB a firma contract cu Urirama segun prensa dia 30 di april 2014, apenas algun ora despues cu e hindervergunning a wordo duna. WEB tabata sa cu mientras tanto gobierno ya ta cambiando e hindervergunning pa di dos biaha? Asina ansha Gobierno tabata pa duna e hindervergunning cu a comete varios eror, cu awor mester wordo coregi. Ademá gobierno a declara cu e proyecto NO por cuminsa tanten no cambia leynan relevante y e ROP, y otorga e erfpacht y bouwvergunning. Bouwvergunning no a wordo pidi mes ainda. Pero mientras


tanto WEB si a core firma. Esaki ta irresponsabel. WEB a yega na acuerdo cu e compania kiko lo pasa cu e contract si e proyecto no bai door? Pa asina evita cu WEB por wordo responsabilisa pa paga toch, y talves te hasta directornan di WEB por wordo teni responsabel personalmente pa cu esaki? Minister por facilita nos copia di e contract firma cu desaroyadonan di e parke di molina di biento Urirama?

10. E proyecto di panel solar na aeropuerto ta para atrobe. Ki tempo esaki ta premira pa keda cla? Cuanto energia esaki lo genera? Cuanto inversion mester a wordo hasi pa e companianan di utilidad por procesa y distribui e coriente cu ta bin di e fuente aki? E proyecto aki lo baha prijs di consumo? Dicon no a envolvi TNO den e proyecto aki?
11. Ki proyecto Utilities a ehecuta den 2010, 2011, 2012, 2013 y 2014 y cuanto placa ta(wata) envolvi den cada proyecto?
12. di acuerdo cu e business plan di e proyecto di panel solar na AAA NV, ken mester paga pa e 'trafo-huis'? cuanto e gastonan envolvi ta? dicon esaki no a wordo construi ainda?
13. ki influencia e proyecto di panel solar ta hunga den e aumento di prijs di coriente entrante 1 di oktober?

Nos ta urgi minister pa contesta e preguntanan aki por escrito mas pronto cu ta posible, en vista cu e tarifa di coriente lo wordo aumenta dia 1 di oktober 2014, y sin e informacion aki nos fraccion no por forma su mesun opinion si e aumento di tarifa aki ta hustifica of no, tanten nos no ricibi e informacion relevante.

Atentamente,

Den nomber di Fraccion di MEP



Lider di Fraccion di MEP
Sra. Evelyn Wever-Croes